

四庫全書

經部

欽定四庫全書

春秋平義卷七

秀水俞汝言撰

宣公

名倭或作接文公庶子母敬嬴夫人穆姜在位一十八年謚法善問周達曰宣

元年春王正月公即位

即位之禮行則書不行則否文成以下六君皆行之  
隱以為攝而不必行莊閔僖則繼故而不忍行者也  
桓之行桓之志也宣之行宣之志也

邵

繼故書即位

宣一桓也

野編

公子遂如齊逆女

逆女書公子遂遂一輩也

三月遂以夫人婦姜至自齊

脫氏字伊婦有姑之詞也

公敬嬴欲結齊惠懼為出

姜所謀故喪娶其女如是之亟也

孔義逆婦姜于齊病

文公也以婦姜至自齊責敬嬴也

胡氏上書夫人姜氏

歸于齊矣此書曰夫人姜氏至自齊則嫌于出姜之

反魯矣故書婦姜以別之

馬森辨疑

夏季孫行父如齊

前年行父如齊告立也亦約昏也而逆女者遂也今年行父如齊請會也亦許賂也而致田者遂也堂堂國卿偕面傳語妾不衣帛馬不食粟清矣以為社稷臣吾不知也

野編

晉放其大夫胥甲父于衛

河曲之戰撓史駢之謀者趙穿也軍門之呼穿與甲父共也而獨放胥甲者趙盾之私也

胡狐氏先氏胥氏

氏誅夷畧盡晉其殆哉

野編

公會齊侯于平州

齊地

定公位也

孔義

自齊而言亦曰成魯亂爾

野編

公子遂如齊

東門襄仲

致濟西田也

野編

六月齊人取濟西田

事同部鼎辭異鄭壁

野編

秋邾子來朝

楚子鄭人侵陳遂侵宗

楚稱子鄭稱人鄭為楚下大為中國患矣

野編

陳氏後傳曰南北之勢於是始也後十五年而宗楚平後五十年而晉趙武楚屈建同盟于宗諸夏之君分為晉楚之從矣

晉趙盾帥師救陳

宋有弑君之罪不當救故畧之

張洽

宋公陳侯衛侯曹伯會晉師于棐林伐鄭

棐公作  
鄭地

不言趙盾之師君不會大夫之辭也

孔義

冬晉趙穿帥師侵崇

公作柳自伐書陽處父入書卻缺侵書趙穿而後凡役書大夫

崇秦之與國晉將求成于秦故侵崇秦弗與成

蘇氏

晉人宋人伐鄭

伐鄭所以救宋也

穀梁

報北林之役也

孔義

二年春王二月壬子宋華元帥師及鄭公子歸生帥師

戰于大棘宋師敗績獲宋華元

戰皆書大夫帥師自此始大棘宋地

宋鄭自治兵相攻無與楚事傳謂歸生受命于楚伐

宋未必然也經直据勝負為辭爾韓之戰不言敗績

君止而師未衄也大棘之戰軍將皆沒

野編

秦師伐晉

以報崇也

左

秦晉自河曲之戰七年不交兵矣

義孔

夏晉人宋人衛人陳人侵鄭

報大棘之役也

野編

秋九月己丑晉趙盾弑其君夷臯

公作獐靈公  
弑成公立

堂上之甲方興桃園之攻隨至及其反國非獨置賊



不討反使往迎新君則盾之為弑又誰掩乎孔董狐

在當時身親其事知其謀出于盾故以律所謂造

意者當之其曰亡不越竟反不討賊蓋折盾之辭

非以二端故而輒加以大惡之名也簡端錄盾若誅

穿歸生若誅宋春秋必曰二臣能討賊也穿不死

則盾也首惡宋不死則歸生也首惡何嘗輕以弑

君獄人哉傳斷

冬十月乙亥天王崩

定王立

許氏曰文公使公子遂葬晉侯叔孫得臣葬襄王是  
均周晉也昭公使叔弓葬宋公滕侯叔鞅葬景王是  
均周宋滕也成公葬晉景不葬定王襄公葬楚康而  
不葬靈王是不臣於周而屈於晉楚也

畧記

三年春王正月郊牛之口傷改卜牛牛死乃不郊猶三  
望

葬匡王

四月而葬簡也

補程傳

楚子伐陸渾之戎

陸公作賁公穀無之字

陸渾在王畿之側窺周室也

補程傳

或曰僖文以來楚

多稱子何也曰楚僭王也僖文而後漸同真王抑就五等所以正之也吳楚書子以為許之以為進之皆

非也

野編

夏楚人侵鄭

即鄭及晉平可知此後再及楚平再及晉平所謂犧

牲玉帛待于二竟

野編

秋赤狄侵齊

赤狄始見經

宋師圍曹

宋文即位盡逐武穆之族二族以曹師伐宋宋師圍

曹報武氏之亂也

孔義

冬十月丙戌鄭伯蘭卒

穆公卒靈公夷立

葬鄭穆公

公作繆

葬速禮不備也

孔義

四年春王正月公及齊侯平莒及郕莒人不肯公伐莒

取向

及者內為志也伯姬在焉爾莒人不肯為已甚矣伐

莒取向罪在莒也

野編

秦伯稻卒

共公卒桓公立

夏六月乙酉鄭公子歸生弑其君夷

靈公弑弟襄公堅立

經書鄭公子歸生弑其君夷賊乃歸生也不知為公

子宋也左氏有先經後經外經附見之例作意與經

出入盾若非弑何以有下宮之難歸生若非弑何以

有斲棺之事

野編

赤狄侵齊

秋公如齊公至自齊

冬楚子伐鄭

爭中國耳非討罪也

孔義

五年春公如齊

夏公至自齊

齊惠立十年公五如齊何緣有止公事久于齊樂而

忘歸也

野編

秋九月齊高固來迎叔姬

公穀叔上有子字

公如齊高固使齊侯止公請叔姬秋來逆焉曰來者

公自為主也諸侯嫁女于大夫主大夫以與之為體

敵也而公自為之主卑朝廷辱宗廟矣

孔義

叔孫得臣卒

莊叔

冬齊高固及子叔姬來

反馬不躬至歸寧無並行

家鉉翁

楚人伐鄭

六年春晉趙盾衛孫免侵陳

曷為侵陳為救鄭也所得惟衛無復隸林之盛矣

野編

陳即楚故也晉楚爭陳自此始矣

孔義

夏四月

秋八月螽

冬十月

七年春衛侯使孫良夫來盟



通我于晉以有黑壤之會然我終事齊不事晉

野編

夏公會齊侯伐萊

秋公至自伐萊

平莒及郟公所欲也故書及繼以取向即所欲者可  
知矣伐萊齊志也故書會繼以伐萊即師行之危亦

可知矣

胡傳

大旱

冬公會晉侯宋公衛侯鄭伯曹伯于黑壤

魯地即黃父

會而不盟者有矣夫未必公見止也

野編

經翌在會六侯而以篡弑得國者居其四魯以仲遂  
殺惡而宣立晉以趙盾弑夷臯而成立宋以甸徒弑  
杵臼而文立鄭以歸生弑夷而襄立何以薦信于神  
明哉

八年春公至自會

逾年而至其故可知矣自是遂不敢如晉

孔義

夏六月公子遂如齊至黃乃復

齊地

疾而復非禮也大夫以君命出聞喪徐行而不返未

致事而死以尸將事

孔義

卒已有事于大廟仲遂卒于垂壬午猶繹萬入去籥

垂齊

地喪仲

不書公子遂如齊至黃乃復不知仲之卒于外也有  
事于大廟仲遂卒于垂倒句也既不廢祭亦不廢繹

野編

戊子夫人嬴氏薨

嬴公穀作  
熊宣公母

敬嬴一成風也

野編

晉師白狄伐秦

白狄始見經

侵崇之曲在晉至此七年而未已復會狄而伐秦不

書及偶晉于狄也晉成秦桓之交兵又始于此

義孔晉

以狄伐秦秦亦以狄伐晉

野編

楚人滅舒蓼

公作鄆

舒蓼猶舒庸也羣舒之一也

野編

秋七月甲子日有食之既

推歷當為十月甲子朔闕朔字

冬十月己丑葬我小君敬嬴

公穀作頃

襄仲死于道路後八日而敬嬴亦死與哀姜慶父

先後即誅相類

孔義

雨不克葬庚寅日中而克葬

即事書之左氏以為禮穀梁以為非禮穀梁之言曰

葬既有日不為雨止禮也雨不克葬喪不以制也謂

不為雨備也然亦有非常之變不可以備者如之何

唐吕才曰春秋己丑葬敬嬴雨不克葬庚寅日中

而克葬是不擇日也左義優矣時當事者季文子孟

獻子也

野編

熊氏過曰士喪禮潦車載蓑笠庶人縣

窆不封不樹不為雨止則大夫以上葬為雨止矣

然則禮葬不為雨止送葬不辟塗潦固為庶人言

耳

辨義

城平陽

懼晉故也

補程傳

楚師伐陳

九年春王正月公如齊公至自齊

夏仲孫蔑如京師

孟獻子

宣公享國九年于周繞一往聘其在齊則又再朝矣

補程

傳

齊侯伐萊

秋取根牟

東方夷國

邾婁之邑也

公羊

八月滕子卒

昭公卒文公立

九月晉侯宗公衛侯鄭伯曹伯會于扈

鄭地

晉荀林父帥師伐陳

討不睦也陳侯不會荀林父以諸侯之師伐陳不書諸侯之師而曰林父帥師者在會諸侯皆以師聽命而林父兼將之也晉主夏盟又嘗救陳所宜與也而惟楚之即夫豈義乎

胡傳

辛酉晉侯黑臀卒于扈

成公卒于景公獨立

伐陳討其不會宜有諸侯之師晉侯卒而還故略之



也

冬十月癸酉衛侯鄭卒

成公卒子穆公速立

衛成公自復國以來抑狄事晉自伐沈之後諸侯之事無役不從國內以安皆用甯俞之效也

孔義

衛成事

晉甚謹魯宣獨深向齊及黑壤止公扈之會魯獨不往二國以喪赴亦皆不會以私怨而廢禮忘親矣

晉成公何以不葬魯不會也衛成公何以不葬魯不

會也所謂無其事而闕其文也

胡傳

宋入圍滕

楚子伐鄭

楚莊之立加兵于鄭者凡四而兩書楚子書楚子者

君為將也書楚大夫者大夫為將也

日抄

晉卻缺帥師救鄭

自是晉楚  
交代鄭

陳殺其大夫洩冶

公穀作  
泄冶

洩冶諫而死明年五月平國弑殺諫臣之效也孰謂

春秋不褒洩冶

野編

十年春公如齊公至自齊

齊人歸我濟西田

夏四月丙辰日有食之

己巳齊侯元卒

惠公卒子頃公立

齊崔氏出奔衛

崔氏者以族奔也崔氏出而能反反而能弑者以其  
宗强于此舉氏辨之早也自此至崔杼弑莊公凡五  
十一年必非杼也

孔義

三桓七穆自中葉出也獨崔氏

出齊丁公故族莫大于崔氏

野編

公如齊

公如齊止此

五月公至自齊

公親奔喪非禮也

孔義

癸巳陳夏徵舒弑其君平國

靈公弑子成公立

六月宗師伐滕

滕自宗人執嬰齊之後遂為宗私屬故宗之盟叔孫豹曰滕宗私也成周之城仲畿曰滕宗役也今不事

宋故屢虐之

義孔

公孫歸父如齊葬齊惠公

親往奔喪貴卿會葬事齊謹矣歸父仲遂之子其後

為子家氏

義孔

晉人宋人衛人曹人伐鄭

鄭及楚平諸侯之師伐鄭取成而還

補程傳

秋天王使王季子來聘

王聘止此王季子即劉康公

宣公享國十年不朝周而比年如齊不奔王喪而奔

齊喪微者會匡王葬而歸父會齊侯葬而王季子來

聘自是王聘益輕春秋不復錄矣

孔義本任氏戴氏

公孫歸父帥師伐邾取繹

公作邾

大水

六年螽七年大旱今復大水矣

孔義

季孫行父如齊

冬公孫歸父如齊

宣公聘齊止此

行父聘齊歸父何必繼往蓋取繹之謀成于歸父恐

齊罪之自往解釋耳

補程傳

齊侯使國佐來聘

國武子

饑

楚子伐鄭

十有一年春王正月

夏楚子陳侯鄭伯盟于辰陵

穀作夷陵陳地

于是辰陵之盟楚子主之矣

野編

公孫歸父會齊人伐莒

伐邾伐莒皆以歸父將兵會齊會楚皆以歸父特會以

見宣公之德仲遂而寵其子也

孔義

秋晉侯會狄于欒函

狄地

于是齊方有事于莒晉方有事于狄莫與楚爭也

野編

冬十月楚人殺陳夏徵舒

丁亥楚子入陳納公孫寧儀行父于陳

寧公作甯楚入中國書爵始此

楚人殺陳夏徵舒已書于前則楚子入陳為納二子

而已少西氏之討乃非本情惟春秋別之諸儒猶墮



雲霧也

野

洩冶入諫公請改過不罪言者公孫寧儀

行父請殺之公弗禁是殺冶者二嬖也楚既復陳不

誅而反納之左氏不咎楚莊之縱惡而美二子之補

過將欲庇淫人而與石碯季友等也其可乎

傳

斷世稱

楚莊五伯之一夫二相處內二伯處外古之道也伯

不尊王何名為伯是役也若能封洩冶之墓問株林

之從尸南冠袒服之大夫獻捷京師豈非桓文之舉

哉惜其入陳之後圍鄭滅蕭敗晉伐宋七八年間諸

夏騷動健者為清丘之盟以自保辱者至為宋之會  
脅息奔命是伯所懲也而譽莊以敵桓文譽子文子  
反以敵管隰狐趙恐齊晉君臣正當割席分坐且彼  
已為王即諸儒致伯彼亦不受也凡言五伯必曰齊  
桓晉文明乎伯在齊晉何與秦楚野編

十有二年春葬陳靈公

二十二  
月而葬

討此賊者非臣子也何以書葬楚已討之矣臣子雖

欲討之而無所討也

公羊  
傳

楚子圍鄭

鄭既受盟于辰陵又微事晉故楚子圍之按左氏楚子縣陳蓋滅之矣而止書入其于鄭也入自皇門至於遠道蓋即其國都矣經止書圍一則以聽申叔時之言而反之一則以鄭伯肉袒之逆而遽許之平與其悔過也

義孔

夏六月乙卯晉荀林父帥師及楚子戰于邲晉師敗績

地鄭

救鄭不書無及于鄭也以晉主自戰而罪歸林父者  
林父身為元帥不能治先穀違命濟師之罪乃妄從  
韓厥分惡之言楚師既乘又不能力戰鼓于軍中以  
先退為賞郟之敗實林父之所為也

義孔

秋七月

冬十有二月戊寅楚子滅蕭

楚莊滅蕭所以逼宋而不能有其地觀定十一年辰  
佗驅地入蕭以叛猶為宋地可知矣

晉人宋人衛人曹人同盟于清丘

衛地大夫同盟之始

諸侯懼而盟

野編

原穀違命喪師而主是盟人之宜矣

義孔

宋師伐陳衛人救陳

穀梁每救稱善清丘在彼亦不能謂救陳善也

野編

十有三年春齊師伐莒

公作伐衛

夏楚子伐宋

陳鄭既皆歸楚得宋則可圖天下矣至又明年之平

而南北之勢成矣

義孔

秋螽

冬晉殺其大夫先穀

穀作穀

討邲之敗也盡滅其族不已甚乎

十有四年春衛殺其大夫孔達

討救陳也衛成公與陳共公有舊好孔達但知先君有約言而不知同盟外楚之不可以貳如此而死則

匹夫耳

傳斷

夏五月壬申曹伯壽卒

子宣公廬立

晉侯伐鄭

何以目晉侯存中國也敗餘猶伐鄭也

野編

秋九月楚子圍宋

輕舉陳師以見伐今復輕殺其使以見圍宋之幾亡

自取之也

孔義

葬曹文公

冬公孫歸父會齊侯于穀

魯近宋豈以楚師圍宋而謀之乎

十有五年春公孫歸父會楚子于宋

吾大夫始會楚

棄宋已矣又會楚于宋

編野

夏五月宋人及楚人平

清丘之盟宋猶能伐陳以伉楚而平于楚而莫之救

則無望矣

編野

楚人圍宋九月于此宋之億至易子而

食析骸而爨而晉聽伯宗之言不出一師待其威單

力盡徐自解罷書曰宋人及楚人平傷中國之失道

也外平不書關於天下之故而書楚人得宋天下將



有南北之勢春秋特致意焉。觀楚之將圍宋也使申  
舟聘于齊亦使公子馮聘于晉則齊晉之不出而禦  
楚非不能禦也。蓋貪其厚幣惑其甘言自以為無患  
而魯謀不省宋難不救不知魯宋即楚楚且弱齊并  
弱晉矣。伯宗賢者亦曰天方授楚未可與爭。所謂未  
識人倫焉。知天道者乎。畧記

六月癸卯晉師滅赤狄潞氏以潞子嬰兒歸

潞子與晉婚姻其相鄆舒弒君夫人傷君目而不能

討則潞之當討者鄆舒耳執其君滅其國何為乎潞之捷不足以掩邲之敗

野編

秦人伐晉

報八年晉與白狄伐秦之役也

補程傳

王札子殺召伯毛伯

王札子者天子之庶兄也一朝殺二大夫札子之擅殺可知矣王政之不行又可知矣

秋螽

仲孫蔑會齊高固于無婁

杞地公作牟婁

必謀晉楚之故也于是往斷道之盟矣義黃正憲

曰魯之服齊齊雖不振魯未敢背故欲使歸父會

楚子則先為殽之會今意欲從晉則先使其卿與

高固會皆觀其強弱以為行止耳義

禮之始失也諸侯非王事而自相會不自天子出

矣無何諸侯與大夫會無何大夫與大夫會又不

自諸侯出矣田氏篡齊三桓專魯六卿分晉職此

之由  
解

初稅畝

稅畝者稅其私田履畝十取其一也其公田仍在非

廢助用稅也

孔義

冬蟧生

始生曰蟧既大曰螽秋螽未息冬又生子也

孔義

饑

春秋饑三而宣公有其二

孔義

十有六年春王正月晉人滅赤狄甲氏及留吁

帥師者士會畏遜強楚威加赤狄謂諸侯何義孔

夏成周宣榭火

榭公作謝火  
公穀作災

宣王中興常講武于東都于是有榭焉後王思其功

因以為宮而祀之樂器藏焉亦固其所然非制廟也

故不曰宮而曰榭云

簡端錄

秋鄭伯姬來歸

出也

冬大有年

宣公六年螽七年旱十年水十三年螽十五年螽連

年凶荒今忽大有年聖人云胡不為之喜

日抄

有年則

有之大有年則大有之聖人何心哉以為紀異者天

下後世之論也

邵寶

十有七年春王正月庚子許男錫我卒

昭公卒  
靈公立

丁未蔡侯申卒

文公卒子  
景公固立

夏葬許昭公葬蔡文公

六月癸卯日有食之

按是年六月無癸卯其食限亦不在六月推歷當為五月乙亥朔入食限從亥子初日四千一百定亥度陽歷十度依法變不食亦傳寫之誤也

統紀

己未公會晉侯衛侯曹伯邾子同盟于斷道

晉地

時宋為楚得中國危甚幸而衛復反為中國恐曹衛復背而南嚮故晉侯為是盟以固魯衛曹邾之心書曰同盟齊貳也康侯因卻克之見笑以此會為謀齊

不思徵會乃在未見笑之先豈預知其見笑故為之

會以謀之耶

日抄

秋公至自會

冬十有一月壬午公弟叔肸卒

其曰公弟叔肸賢之也宣弑而非之也非之則昌為

不去也曰兄弟也何去而之與之財則曰我足矣織

屨而食終身不食宣公之食

穀梁傳

稱弟不稱字則如

弟年之例而不見其賢稱字不稱弟則又季友之比



而不昭其貴故書弟書字以褒之也

探微

十有八年春晉侯衛世子臧伐齊

此則以不與斷道之盟故也齊自恃伯國未嘗服晉

文公之伯嘗懼而從之晉越四世齊未嘗從也

義孔

公伐杞

自是內不書君特征伐在大夫也宣公而下征伐在大夫是故自伐邦取繹凡取皆不書其人

自伐杞凡伐

皆不書公

杞世婚于魯僖文之世各一來朝宣公殺惡及視而

杞不來故伐之

義孔

夏四月

秋七月邾人戕鄫子于鄫

殺作  
續

凡自虐其君曰弑自外曰戕于鄫刺其臣子不能救  
君難也

左

以邾之小而肆毒于鄫曾無一人詆訶之

信乎其為春秋之世也

木訥

齊桓薨而中國無伯則邾

文公用鄫子晉景弱而中國無伯則邾定公戕鄫子

兩鄫子之不得其死其伯國之恥乎

張洽

甲戌楚子旅卒

旅公作呂楚始書  
卒莊卒共審立

吳楚之君不書葬辟其號也公

羊

公孫歸父如晉

子家

魯謹事齊斷道之盟始改事晉故始聘晉左氏謂歸父謀之于公欲以晉人去三桓則何以不謀于素厚之齊而遽請于新交之晉及為行父所逐又何以不奔請去三桓之晉而又奔齊耶恐不然

孔義

冬十月壬戌公薨于路寢

歸父還自晉至笙遂奔齊

笙公穀作  
榿笙魯地

歸父奔齊則以父素謹事齊也歸父逐而三家之張

甚矣

義孔

東門氏世與諸儒結死後之緣仲遂坊于路

恨恩禮之未至歸父被遣走之齊謂之奔者捐殯奔

其父謂奔者為殯惟反命為不失禮總不過曰還自

晉善辭也云爾不書歸父還自晉若為書之文子

大似成季慶父歸父禽制畧同雖然其于斲削公室

茲四人者皆斤斧也

野編

春秋平義卷七

欽定四庫全書

經部

春秋平義卷八

詳校官監察御史<sub>臣</sub>陳化龍

給事中<sub>臣</sub>溫常綬覆勘

總校官原任中允<sub>臣</sub>王燕緒

校對官中書<sub>臣</sub>葉蘭

膳錄貢生<sub>臣</sub>劉達

欽定四庫全書

春秋平義卷八

秀水俞汝言撰

成公

名黑肱宣公之母穆姜夫人齊姜在位一十八年諡法安民立政曰成

元年春王正月公即位

二月辛酉葬我君宣公

無冰

三月作丘甲

舊法九夫為井四井為邑四邑為丘四丘為甸甸出

車一乘甲士三人步卒七十二人四丘而出三甲新  
法即丘出一甲謂之丘甲則甸出甲士四人步卒九  
十六人三甸又得甲士三人步卒七十二人即增車  
一乘矣今謂之丘甲昔可謂之甸甲也作為也盡廢  
舊版改為之也再變矣助變而稅甸變而丘

野編

夏臧孫許及晉侯盟于赤棘

晉地

及者我及之也歸父往矣開怨于齊不能不即晉

野編

秋王師敗績于茅戎

茅公穀作貿



不言戰莫之敢敵也言敗績于茅戎自敗也

孔義

冬十月

二年春齊侯伐我北鄙

魯之事齊甚謹易世而聘會不絕及與晉盟斷道而

怨隙成再盟赤棘而北鄙伐矣

胡傳

夏四月丙戌衛孫良夫帥師及齊師戰于新築衛師敗

績

衛地衛書大夫帥師于是始

昌為使良夫主之非齊加衛衛方事晉故欲絕齊

野編

六月癸酉季孫行父臧孫許叔孫僑如公孫嬰齊帥師會晉卻克衛孫良夫曹公子首及齊師戰于韋齊師敗

績

首公穀作手韋齊地

四卿並出見魯之亂也婦人笑客事奇然斷道在彼

我之北鄙衛之新築徵客怒晉師必出齊侯佚獲亦

奇

編野

魯是時止有二軍行父將一軍許佐之僑如將

一軍嬰齊佐之耳至襄十一年始作三軍

辨義

秋七月齊侯使國佐如師己酉及國佐盟于袁婁

袁穀作爰

齊地去齊

五十里

袁婁之盟何如召陵曰紀甌王磬得似包茅之間否不言

國佐來盟于師曰及國佐盟及者我及之也揖而去之幾

失國佐

野編

齊自翟泉以來不與晉盟者踰四十年而袁婁

以後三十餘年無會不同無役不與則鞏之敗挫之也

孔義

八月壬午宋公鮑卒

文公卒子共公固立

庚寅衛侯速卒

速公作遯穆公卒子定公立

取汶陽田

夫使齊人歸之汶陽我之舊也使晉人反之以充輦  
之進至用師圍棘與外取何異野編

冬楚師鄭師侵衛

十有一月公會楚公子嬰齊于蜀

魯地楚書公  
子自嬰齊始

魯衛受盟于晉從于伐齊故楚為陽僑之役侵衛侵  
魯魯不書以賂退也以中國諸侯降班失列下與夷

狄之大夫會辱已甚矣

孔義

丙申公及楚人秦人宋人陳人衛人鄭人齊人曹人邾

人薛人鄆人盟于蜀

于是乎畏晉而竊與之盟謂之曰匱盟

左傳

按齊在衛

鄭下非卿也

蜀之盟諸侯從楚者十一國晉不敢

爭其後四十二年晉趙武楚屈建合諸侯于宋然後

晉楚之從得交相見又八年楚靈王求諸侯于晉晉

人許之然後諸侯始從楚皆蜀之盟啟之也是會也

魯倡之楚主之

蘇氏

屬辭齊桓公卒陳穆公請修好諸侯以無忘桓公之

德盟于齊楚人得與中國盟會于是始宗襄不度德  
量力求諸侯於楚而為鹿上之盟至有孟之執辱泓  
之敗績于是魯挾楚師抗齊為東諸侯事楚之始陽  
僑之役納賂請平公會楚公子嬰齊及十一國之大  
夫盟于蜀則夷夏之分蕩然矣故三盟列國大夫皆  
奪其恒稱責其墮中國之大義也至晉楚為宗之盟  
南北諸侯交相見乃從其恒稱者齊與鹿上召陵之  
威烈未泯蜀之盟雖曰東方諸侯皆在而猶有晉也

故皆奪其恒稱以示義晉悼公卒晉知不競于楚而遂以諸侯與之則春秋將何所辨乎故晉楚之盟會大夫亦從其恒稱以見實而已

三年春王正月公會晉侯宗公衛侯曹伯伐鄭

蜀之盟中國之恥鄭為之也伐鄭以雪恥也宗衛未葬亦書爵如曰兵革變亂正為此設于蜀稱人伐鄭稱爵高飛者鐵其六翮垂翅者假其羽毛

野編左氏以

為討邲之役邲之役晉救鄭而自敗于楚非鄭之罪

矣無亦以前年冬楚師鄭師侵衛之故與夫使晉能距楚則鄭必服今兵力盡于齊而區區棲諸侯于從楚之餘宜其不得鄭也

孔義

辛亥葬衛穆公

六月而葬

二月公至自伐鄭

甲子新宮災三日哭

宣宮也不曰宣宮者神主未遷也宮成而主未入遇

災而哭何禮哉

孔義



乙亥葬宋文公

七月而葬

文公卒始厚葬始用殉君子謂華元樂舉為不臣

左傳

夏公如晉

拜汶陽之田

鄭公子去疾帥師伐許

許恃楚不事鄭故也

孔義

公至自晉

秋叔孫僑如帥師圍棘

汶陽田也棘其邑也

野編

大雩

晉郤克衛孫良夫伐虜咎

如虜穀作牆  
公作將

赤狄之餘也

冬十有一月晉侯使荀庚來聘衛侯使孫良夫來聘

丙午及荀庚盟丁未及孫良夫盟

聘而遂盟  
之于是始

鄭伐許

曰鄭狄之也變于楚也

野編

四年春宗公使華元來聘

宗入春秋聘魯始此

孔義

三月壬申鄭伯堅卒

襄公卒悼公費立

杞伯來朝

夏四月甲寅臧孫許卒

宣叔

公如晉

葬鄭襄公

踰月葬

秋公至自晉

冬城鄆

公羊作運

鄆有三在魯者二成十六年公待于鄆此西鄆今所城也文十二年城諸及鄆此東鄆莒魯所爭者也莒之別邑亦曰鄆九年莒潰楚人入鄆是也

野編

鄭伯伐許

喪未踰年以吉禮從金革之事故特稱伯義

孔

五年春王正月杞叔姬來歸

僖公女

仲孫蔑如宋

報華元也

孔義

夏叔孫僑如會晉荀首于穀

首公作秀  
齊地宣伯

荀首如齊逆女也

孔義

不會于魯而會于齊地趙氏所謂銷齊侯議魯之謀

破魯人謀已之諉左氏志其會而不知其故是也

辨義

梁山崩

秋大水

冬十有一月己酉天王崩

定王崩于簡王立

十有二月己丑公會晉侯齊侯宋公衛侯鄭伯曹伯邾

子杞伯同盟于蟲牢

鄭地

能為異者鄭也盟于蟲牢鄭地也之謂同矣

野編

六年春王正月公至自會

立武宮

武宮武公之宮也于是十有一世矣立武宮非禮也

野編武公之謚武也必嘗有功于武矣季孫行父以鞏

之功不勝其侈于是乎有武宮之立故漢儒因是以  
擬武世室焉邵寶按明堂位曰魯公之廟文世室也武  
公之廟武世室也以武公比武王世世不遷不知何  
德以堪此也

取鄆

鄆國也野編

衛孫良夫帥師侵宗

夏六月邾子來朝

公孫嬰齊如晉

子叔聲伯叔弓子

壬申鄭伯費卒

悼公卒弟成公踰立

秋仲孫蔑叔孫僑如帥師侵宋

謂魯衛侵宋為受晉命可爾

野編

楚公子嬰齊帥師伐鄭

楚始書大夫將

爭鄭也

野編

救鄭書侵蔡則不書善晉之救而成之也伐鄭書救

蔡則不書惡楚之伐而黜之也

畧記



冬季孫行父如晉

賀遷也

左傳

晉欒書帥師救鄭

救公作侵

救師出而楚還侵蔡而遇楚救蔡之師晉帥之欲戰者八人欒書決于三卿之言全師而還可謂善御下

矣

孔義

七年春王正月鼪鼠食郊牛角改卜牛鼪鼠又食其角

乃免牛

以異書再食異甚

野編

吳伐鄭

吳始見經

吳距鄭稍遠越江淮以伐之爭中國之端也

孔義荆之

始見也入蔡吳之始見也伐鄭中國莫之問故駸駸

焉交亂中國

戴漢

夏五月曹伯來朝

不郊猶三望

秋楚公子嬰齊帥師伐鄭公會晉侯齊侯宋公衛侯曹

伯莒子邾子杞伯救鄭八月戊辰同盟于馬陵

衛地

蜀之盟楚無晉矣馬陵之盟差足厭之綱莒自晉文

之卒至是始與盟

孔義

公至自會

吳入州來

楚邑  
下蔡

州來楚與也吳入州來以撓楚楚之憂中國之喜

狄而中國則中國之矣此其曰吳何也昔者貫澤之盟有江黃無徐徐已稱王可以為援不可移以自近

吳猶徐也而于柎于向通于上國又生一楚書曰吳

入州來謹之也

野編

吳楚之爭自入州來始

日抄

冬大雩

舉時則三月矣大旱也

孔義

衛孫林父出奔晉

扈之盟書晉大夫于是衛有孫氏魯有季氏皆怙于

晉乃知春秋之慮早也

野編

八年春晉侯使韓穿來言汶陽之田歸之于齊

汶陽魯田自齊歸魯曰歸可也自魯歸齊安得謂之

歸曰歸之者強歸之詞

補程傳

晉欒書帥師侵蔡

蔡自翟泉以來不與中國盟會者四十八年矣而再

致師大國爭衡而小國受敗春秋矜焉

孔義

經言侵蔡

傳言遂侵楚又言侵沈獲沈子揖侵楚應書獲沈子

揖又應書不足信也

野編

公孫嬰齊如莒

宋公使華元來聘

夏宋公使公孫壽來納幣

或言共姬之嫁納幣致女皆卿媵者四國何也曰姬  
穆姜息女公女弟也漢有公主長公主大長公主禮  
數不同又宋大國也故大國皆來媵非郟杞可比說  
者以為錄共姬誤矣

野編

晉殺其大夫趙同趙括

討靈公之賊若同括為莊姬譖之則武田何為見奪

野編莊姬譖殺同括不應併廢其子意當時藥卻為政

追論靈公之弑而殺同括趙武以莊姬故而得免然

以罪人之後廢不得立故以田與祁奚迨三郤誅藥

書沒始以韓厥言而復之左氏詳其始末併載于此

非一時事也以國殺而不去其官以弑逆之罪不在

後嗣廢之可也殺之不可

畧記

王樵曰屠岸賈殺趙朔自一事也趙莊姬殺同括又

一事也

辨義

秋七月天子使召伯來賜公命

賜公殺作錫錫命止此

春秋書天子惟此此有天下者之號也故一書為萬

世法其他書王者蓋周之稱于天下久矣繫之天尊

之也

簡端錄

自諸侯言之則曰天王自諸臣言之則曰

天子諠得曰錫私恩曰賜

冬十月癸卯杞叔姬卒

晉侯使士燮來聘叔孫僑如會晉士燮齊人邾人伐郟



討其事吳也恨不以此為救郢之師

野編

衛人來媵

媵小事不書伯姬之嫁諸侯皆來媵之故書以見其賢

一女子之賢尚聞于諸侯況君子乎

伊川

九年春王正月杞伯來逆叔姬之喪以歸

公會晉侯齊侯宋公衛侯鄭伯曹伯莒子杞伯同盟于

蒲

衛地

尋馬陵之盟也為歸汶陽之田故

公至自會

二月伯姬歸于宋

穆姜女成公姊妹

夏季孫行父如宋致女

顧炎武曰知錄庶出之子不書生故子同生特書庶出之女不書致不書媵故伯姬歸于宋特書

晉人來媵

三國來媵則為十二女矣宋以先代後得用王禮如其逾制則春秋書之適足以累伯姬非彰其賢矣

畧記

秋七月丙子齊侯無野卒

頃公卒于  
靈公環立

晉人執鄭伯晉欒書帥師伐鄭

不言執鄭伯以伐鄭則非以也始齊桓與楚爭鄭逃  
盟乞盟去來任之至洮之會可言鄭服鄭伯方在會  
安用執之經不言歸鄭伯不以會服予晉也其後悼  
公城虎牢以備鄭至蕭魚之會可言鄭服野傳載晉  
殺鄭行成之使而經不書重在君也傳載楚子侵陳  
救鄭經不書薄楚不足錄也補程傳

冬十有一月葬齊頃公

楚公子嬰齊帥師伐莒庚申莒潰楚人入鄆

伐莒所以救鄭也馬陵于蒲莒同盟焉爾

野編

季氏曰楚自入春秋以來兵未有至于沂上者今特遣貴卿越淮泗沂以伐莒且是時晉方執鄭伯以伐鄭乃不之救長驅東向以攻所不急此其策安在乎蓋為備吳之計也吳自七年伐鄭而尋入州來江淮間與楚之國已皆震驚楚人懼矣連合鄭兵以出淮

泗則自汝以東非楚有矣此所以遠出郟北以爭諸侯蓋郟之所畏者晉如莒一入郟則足以制郟而吳人不敢挾鄭南下矣此楚人伐莒之計也

辨義莒今

密州在魯東

日抄

秦人白狄伐晉

諸侯貳故也

鄭人圍許

示不急君也

野編此公孫申之謀明年鄭伯歸殺申以

鄭用其謀改立君也

抄曰

城中城

魯地

十年春衛侯之弟黑背帥師侵鄭

晉命也

夏四月五卜郊不從乃不郊

自此不復書三望矣春秋書禘者二于莊公于太廟  
無所取之直謂不當禘爾書郊者九夏四月五月乃  
至九月三卜四卜五卜牛傷牛死無所取之直謂不

當郊爾昔者周公郊祀后稷以配天宗祀文王于明堂以配上帝是以四海之內各以其職來祭奚取于

魯侯之廟乎

野編

五月公會晉侯齊侯宋公衛侯曹伯伐鄭

傳言晉侯有疾立太子州蒲為君會諸侯伐鄭所書

晉侯太子州蒲也

野編

晉景未亡而先立君春秋又從

而書曰晉侯有是理乎見左傳之妄

經翼

齊人來媵

凡諸侯嫁女同姓媵之異姓則否

左周語曰王御不

參一族則三國之媵不得出于一族天子之禮如此

諸侯亦可推也若三國必皆同姓則嬴曹似弋之國

嫁女者或不能備矣

畧記

丙午晉侯孺卒

景公卒子厲公州蒲立

當是卒下脫于師字不然則丙午上脫六月字晉景

十九年中征伐會盟無虛日然南伐不于楚于鄭東

伐不于吳于郟今寇自大此景之不得與于伯也

野編



秋七月公如晉

冬十月

公羊無

十有一年春王三月公至自晉

公有行多矣未有淹于此者卿弔大夫葬公身兼之  
非禮也前書晉侯獮卒公如晉後書十有一年春王  
三月公至自晉此中當書葬晉景公不書嫌京師晉  
也當書春王正月公在晉不書在楚在乾侯春秋不  
恥也其在晉也公安之不恥春秋恥之也不書謂削

之以見義爾非諱也春秋有削無諱

野編

晉侯使卻犇來聘己丑及卻犇盟

犇公作州

不盟公反于國而使大夫盟晉之無禮甚矣

義孔

夏季孫行父如晉

報聘且涖盟也

秋叔孫僑如如齊

自蟲牢以來晉厚齊魯亦親齊而十四年如齊逆女

之議始此矣

野編

冬十月

十有二年春周公出奔晉

周公楚患襄惠之偏且與伯與爭政不勝而出王使劉

子復盟于鄆而入三日復出凡自周無出周公自出

故書周公出奔晉

蘇氏

夏公會晉侯衛侯于瑣澤

公作沙澤

左氏謂華元合晉楚之成而會然楚不至宋亦不與

不應書法如此豈其為謀狄乎

孔義

灌甫曰晉侯初立

會魯衛于瑣澤將以伐秦也故明年使卻錡來乞

師

辨義

秋晉人敗狄于交剛

蓋白狄也九年秦人白狄伐晉此先敗狄而後伐秦

報九年之役也

高閔

冬十月

十有三年春晉侯使卻錡來乞師

雖晉之大命魯興師亦書曰乞所以正王法

劉絢傳

三月公如京師

夏五月公自京師遂會晉侯齊侯宋公衛侯鄭伯曹伯邾人滕人伐秦

書曰如京師見諸侯之慢也因會伐而行矣又書公自京師以伐秦為遂事者此仲尼親筆明朝王為重存人臣之禮也

胡傳

曹伯廬卒于師

公穀作廬宣公卒成公負芻篡立

秋七月公至自伐秦

不以京師至究其初心也

孔義

冬葬曹宣公

十有四年春王正月莒子朱卒

渠丘公卒諱比公密州立

季佗也

張氏

夏衛孫林父自晉歸于衛

歸易詞也自晉奉之故也

孔義

衛獻之出奔始此衛自

元咺以臣抗君皆晉為之矣

日抄

秋叔孫僑如如齊逆女

鄭公子喜帥師伐許

九月僑如以夫人婦姜氏至自齊

稱婦宣公夫人穆姜尚存

張洽

冬十月庚寅衛侯臧卒

定公卒子獻公衍立

秦伯卒

桓公卒子景公立

十有五年春王二月癸亥葬衛定公

三月乙巳仲嬰齊卒

嬰齊公孫歸父之弟歸父奔齊魯人使嬰齊後之故

曰仲嬰齊

孔義

癸丑公會晉侯衛侯鄭伯曹伯宋世子成齊國佐邾人

同盟于戚晉侯執曹伯歸于京師

歸下公  
有之字

曹伯卒于師負芻殺太子自立稱侯以執執有罪也

歸于京師禮也此伯討也而猶不掩曹伯之與盟者

以為先執曹伯以令諸侯而後盟之乃盡善也故書

同盟見其既同矣

孔義

伯討諒哉乃若先盟後執則文

之故讀也於厲何尤

邵寶

夫執人者視所執也書人書



爵摠不闕義齊桓執鄭詹詹亦得稱人也楚子執宋

公亦得稱爵也

野編

公至自會

夏六月宋公固卒

共公卒子平公成立

楚子伐鄭

秋八月庚辰葬宋共公

三月而葬

宋華元出奔晉

宋華元自晉歸于宋

宋殺其大夫山

宋魚石出奔楚

葬甫畢而國卿出走知有亂者也亂者為誰山即其人矣故兩挈華元而山不氏晉盟主也宋人聽焉所直歸之不直者殺之魚石山黨也不之晉之楚入彭城以披宋則可知也野編蕩山弱公室殺公子肥元欲討山而力不能故出奔魚石懼其挾晉援而桓氏不祀于宋故自止之于河上而許以討山然後歸元之

出元之入皆正也山不書氏害公族也魚石之奔親

於山恐見及也義孔宋四告故四書之實一事也華元

出未至晉而書奔晉志其志也河上非晉地之晉之

道也

簡端錄

冬十有一月叔孫僑如會晉士燮齊高無咎宋華元衛

孫林父鄭公子黶邾人會吳于鍾離

楚邑涿州會吳之始亦晉以諸侯之

大夫為會之始

始通吳也吳求會于諸侯諸侯之衆往而從之義孔殊會

吳外吳也

穀梁

晉侯會狄于攢函此會吳註脚也

野成

公之末楚浸衰而吳驟強天下所恃者晉而已反率

諸侯而從之一會而合七國再會而合十三國三會

而合十二國天下無不聽于吳焉

氏謙

許遷于葉

畏偏于鄭也

十有六年春王正月雨木冰

二傳雨而木冰也

野編

唐遜皇帝所謂木稼者是也木

稼盖木介爾蘇

氏

夏四月辛未滕子卒

文公卒子  
成公原立

鄭公子喜帥師侵宋

鄭服中國五年矣至是附楚侵宋自是與楚同病中

國諸侯之兵無寧歲矣

孔義

六月丙寅朔日有食之

晉侯使欒黶來乞師

甲午晦晉侯及楚子鄭伯戰于鄢陵楚子鄭師敗績鄭地

邲之戰楚無晉矣鄢陵之戰差足厭之野編晉將伐鄭

鄭告于楚楚子遽引師而來于是晉不暇俟諸侯之

兵先與合戰而敗之故直言戰而已補程傳自晉敗于

邲楚師橫行中原厲公一戰而勝之洗中國二十餘

年之恥日抄邲之戰晉敗于楚鄭襄公則畏楚而畔晉

鄢陵之戰楚敗于晉鄭成公又德楚而讐晉鄭之于

楚何若是親乎列國論

楚殺其大夫公子側子反

楚共身在行間以罷卒致敗嬰齊以令尹將左軍而

與側相惡致有此敗故稱國以殺君臣同責也

義孔

秋公會晉侯齊侯衛侯宋華元邾人于沙隨不見公

宋地

魯以內難師出後期晉聽僑如之譖不見公不諱者

曲不在公也

義孔

公至自會

公會尹子晉侯齊國佐邾人伐鄭

王臣始會伐

經筵曰自厲公以上未有王命主兵者後傳曰會伐

未有書王人者雖齊桓不得與單伯序伐江之役王

叔桓公不書伐秦之役劉子成子不書也

通說

曹伯歸自京師

不名不稱復歸位未絕也自京師王命也

孔義

九月晉人執季孫行父舍之于茗丘

茗丘若公作  
輅晉地

執不言舍舍適館也執則囚也季孫殆將歸矣叔孫

譖之

野編

冬十月乙亥叔孫僑如出奔齊



諧不行

野編

十有二月乙丑季孫行父及晉卻犇盟于扈公至自會  
至自會以見公之不與伐鄭也

孔義

乙酉刺公子偃

必叔孫謀立偃也魯之盟東門氏也曰毋或如東門  
遂不聽公命殺適立庶盟叔孫氏曰毋或如叔孫僑  
如欲廢國常蕩覆公室事成則宣不成偃也

野編

十有七年春衛北宮括帥師侵鄭

括公作結

晉命也

夏公會尹子單子晉侯齊侯宋公衛侯曹伯邾人伐鄭  
前此諸侯屈天子之卿而會者有之未有屈二卿者  
屈天子之卿為盟者有之未有同盟者厲公之志驕  
僭甚矣戴比之翟泉與王子盟者差重比之洮盟于  
王人者差輕重則故皆人之沒公輕則不沒公此  
以與王臣比之與王子者亦差輕故不沒公

通說

六月乙酉同盟于柯陵

鄭地

秋公至自會

齊高無咎出奔莒

以慶克之故高國不能自保崔氏于是復進矣義孔

九月辛丑用郊

用郊之始

九月非所以用郊也野魯之卜郊自信公始而用郊

自成公始書曰用郊盖前此未嘗用也

木訥

晉侯使荀瑩來乞師

冬公會單子晉侯宋公衛侯曹伯齊人邾人伐鄭

單伯會伐宋尹單二子三伐鄭庶幾禮樂征伐自天

子出春秋甚珍之晉主兵而先二子則可知也惜乎

厲之無道不然鄢陵之戰柯陵之盟與召陵城濮爭

烈矣

編野

夏伐鄭楚師至而諸侯還冬伐鄭楚師至而

諸侯還厲公無服人之德而人心之不一見矣

孔義

十有一月公至自伐鄭

壬申公孫嬰齊卒于狸脰

公作軫  
殺作蜃

從公伐鄭還而道卒

義孔

十一月無壬申其以壬申卒

之何春秋故史也有所不革

劉傳

十有二月丁巳朔日有食之

推歷當為十一月丁巳朔

邾子貜且卒

定公卒宣公立

晉殺其大夫卻錡卻犇卻至

卻氏一族三卿雖欒氏亦忌之矣故羣怨並興厲公

輕聽而殺三卿自禍之道也

義孔

楚人滅舒庸

舒庸恃吳而不備也

孔義舒庸偃姓之國氏任

十有八年春王正月晉殺其大夫胥童

晉語云晉厲殺三卻而尸諸朝納其室以分嬖人國人弗蠲也遂殺諸翼則殺胥童者書偃也而弑君者國人也于書偃同盟也故當時莫以書偃為弑君如士鞅見逐于欒黶猶言武子之德使誠有弑君之惡何至頌美若此叔向之言亦未嘗斥其弑君惟云行刑不姦以免于難蓋謂殺胥童之事耳其以弑君之

罪加藥書者實始于陽畢畢謂平公曰藥書覆宗終厲以厚其家按陽氏固黨于趙氏故趙括趙同之難藥氏實為戎首由是思之藥氏者趙氏之深讐也陽氏為趙氏之黨故為之隕藥而即以興趙迨藥盈以叛誅趙氏世擅晉國于是陽畢之說無異議藥書之弑晉乘記之矣夫子據魯史書之左氏不辨而採之晉乘遂與春秋相抵牾

器記

晉弑其君州蒲

厲公弑悼公周立

三卿一大夫皆晉厲殺之次當及書偃左右皆敵仇  
獄無所歸故曰晉弑之也

野編

木訥曰厲公修文襄業敗狄伐秦當吳楚並興欲抗  
吳則畏楚欲抗楚則慮吳遂合諸侯以會吳于鍾離  
蓋疑吳楚合則中國無以抗之也吳既我附明年遂  
興鄢陵之師大敗楚鄭謀亦深矣然晉雖得志而鄭  
不反既而上屈王師下連諸侯三疾于鄭鄭不能得  
而中行欒氏之逆成剛暴之君可不監哉



齊殺其大夫國佐

此齊崔慶專國之始事也

李氏諸傳會通

公如晉

夏楚子鄭伯伐宋宋魚石復入于彭城

宋邑

王樵曰楚為是舉非止納宋之叛患其意尤在隔吳

晉之道也

辨義

傳稱楚納魚石而經書復入者何蓋納

者雖強其所不容然憑藉歸國稱是順辭至于入則

乘勢逞強直據之而已

經翼

公至自晉晉侯使士匄來聘

秋杞伯來朝

八月邾子來朝

築鹿囿

己酉公薨于路寢

冬楚人鄭人侵宋

晉侯使士魴來乞師

魴公作彭

齊桓伯業始於平宋亂晉文伯業始於釋宋圍悼公

伯業又始于彭城之救宋故韓獻子曰成伯安疆自

宋始矣

孔義

十有二月仲孫蔑會晉侯宋公衛侯邾子齊崔杼同盟

于虛打

宋地

晉悼之伯自此始

野編

丁未葬我君成公

春秋平義卷八